

Mazarin  
3674  
C.1  
ptie. 1-2

Le Silence au bout du doigt.



**RARE BOOK  
COLLECTION**



**THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL**

Mazarin  
3674  
c.1  
ptie 1-2

UNIVERSITY OF N.C. AT CHAPEL HILL



00023010778



LE  
SILENCE  
AV BOVT  
DV DOIGT.



THE

OF

SILENCE

ABOUT

THE

BY

SILENCE

BY

ABOUT

BY

BY

BY

BY

BY

BY

BY

BY

BY

BY

18





# LE SILENCE AV BOVT DV DOIGT.

**S**AINTE Augustin fait recit dans sa Cité de Dieu, d'une certaine Idole nommée Harpocrate, laquelle estoit si vniuersellement respectée de tous les Peuples, que de tous costez on venoit au Temple dédié en son honneur, pour luy offrir des sacrifices, luy rendre des respects, & luy presenter des offrandes. Mais ce qui est plus à remarquer, c'est qu'aupres de l'autel, où reposoit cette mesme Idole, il y avoit la figure d'un nommé Hermocrate, qui estoit représenté mettant le doigt dessus sa bouche, pour dire qu'il ne faloit pas declarer à personne, que Harpocrate estimé de tout le monde comme un Dieu, n'avoit esté autrefois qu'un homme mortel, sujet aux mesmes foiblesses & aux mesmes infirmités que les autres. En effet, cela sans doute auroit beaucoup diminué de la créance que cette fausse Divinité s'estoit acquise dans l'esprit des peuples superstitieux, s'ils eussent eu la pensée, qu'elle tirat son origine de la terre, & qu'elle n'avoit



aucun mérite, pour estre adorée comme elle estoit. S'il nous est permis de passer des histoires profanes aux Saintes, & de mesler le mensonge parmy la verité, ne remarquons-nous pas que l'Apostre S. Paul assure, que le grand Prestre Melchisedech estoit sans pere, sans mere, sans genealogie: non pas qu'il n'eut des parens & vne naissance comme les autres hommes, mais à cause que les rares qualitez qu'il possedoit, sembloient qu'il fut quelque chose de divin, ou qu'au moins il fa- loit le dire ainsi. Nous devrions faire de mesme dans le temps où nous sommes, & en toutes les rencontres où nous pouvons apprendre ou sçavoir quelques mauvaises actions de nos Princes, n'en rien dire, ou au moins le dissimuler, ce sont les Dieux de la terre, les divinitez que les Peuples adorent, ne parlons en quelque façon que ce soit de leurs personnes, il nous est defendu: & pour se conserver, disons toujours, *Pais.*

Ouy, l'on sçait, que les Reynes ne sont pas moins sujettes à leurs passions, que les autres femmes, qu'el- les prefereroient l'accomplissement de leurs desirs de- reglez, à la ruine de leur Estat: que pour porter vn Sceptre, elles ne laissent pas d'estre tyrannisées par leurs propres sentimens: que la pompe de leurs habits, les festins continuels, les plaisirs, les delices, le pou- voir qu'elles ont, la foiblesse de leur sexe, qui natu- rellement aime la volupté: les parfums, les senteurs, les concerts de musique, les voix qui les charment, les emportent avec violence aux douceurs de l'amour, qu'elles estiment le plus parfait plaisir du monde. Mais il faut mettre le doigt sur la bouche, & dire, *Pais.*

*l'ay*



3  
J'ay ouy dire, que lorsque Bouquinghan, grand  
Admiral d'Angleterre, vint en France, la Reyne en  
devint passionnément amoureuse, & le Roy entiere-  
ment jaloux; qu'il luy rendoit visite jusques dans son  
liet, contre les maximes ordinaires des Princesses, qui  
nereçoivent point de visites des hommes, en cet état:  
Et que même par vne grande familiarité il luy tira son  
grand des mains, qu'il montra par vanité à plusieurs  
de la Cour: dont le Roy s'offensa beaucoup. N'en  
dites rien, *Pair.*

Vous sçavez, que l'on trouva dans les Memoires  
du feu Cardinal de Richelieu, que lorsque le Marquis  
de Leganés Ambassadeur en France pour le Roy Ca-  
tholique, fut arrivé à Paris, la Reyne en devint aussi  
amoureuse, & que pour mieux traiter des desseins  
qu'elle avoit pour lors, d'obliger l'Espagne au preju-  
dice de la France, comme de leurs amourettes, leurs  
rendez-vous ordinaires estoient au Val-de-grace, lieu  
dautant moins suspect, qu'il estoit estimé Saint: &  
qu'ils n'en sortoient iamais qu'à heures induës, sans  
flambeau, sans compagnie, sans suite: que le Roy  
par apres venant à sçavoir tout cela, dit à ceux qui luy  
parloient de la Reyne: *c'est une meschante femme, vous  
ne la connoissez pas.* Depuis ce temps elle en a aimé  
beaucoup d'autres, c'est son inclination, c'est son di-  
vertissement, vous ne pouvez l'empescher. N'en dites  
mot, *Pair.*

Il y a quatre-vingt-ans entiers que la maison de  
Condé trouble la France & l'Estat, le pere de celuy-cy  
estoit le plus lâche Prince du monde: son fils est le



plus impie, & le plus méchant, vn esprit ambicieux, remuant, vindicatif, débordé en ses débauches, enragé en ses desseins, injurieux en ses blasphemes, sans foy, sans Dieu, sans religion. Il n'en faut rien dire, *Pais.*

Les Princes ne sont pas seulement débauchez, ils sont entierement dissolus: les Peuples n'ont point de plus grands Tyrans, ny les Rois, de plus puissans ennemis, ils ressemblent à cette Divinité, dont parle Pausanias, qui demandoit touiours des offrandes: ils crient sans cesse apres de l'argent, le Souverain en est souvent incommodé, & les Suiets ruinez: s'ils ne sont contens, ils forment des partis, empiètent sur l'autorité du Roy, heurtent son Sceptre & sa Couronne, n'ont plus pour luy ny respect, ny consideration, ny bien veillance: d'ailleurs, ils sont pour l'ordinaire sans conduite, sans iugement, sans courage, sans vertu. N'en disons mot, *Pais.*

Personne n'ignore, que durant la Guerre de Paris, le Prince de Condé avoit intelligence avec celuy de Conti, qu'ils se donnoient tous deux beau ieu en vne affaire, où il n'y avoit que les pauvres Bourgeois interessez, ou chacun de ces Princes se formoient des pretentions qu'ichoqueient la minorité du Roy, & le repos des Provinces, aussi bien que celuy des Peuples: que leur querelle en apparence n'estoit qu'un dessein proietté, & que les autres qui estoient ioints avec eux de la mesme partie, avoient aussi de grandes pretentions au detrimment du Royaume, & des François. Neantmoins il n'en faut rien dire, *Pais.*



Pour le Duc d'Orleans, il voit tout, & ne voit rien, il sçait tout, & ne sçait rien, il jouë tout, & pourtant est toujours jouë luy-mesme: il entre dans le Conseil, & ne penetrer rien: la Riviere se moque de luy, & n'y connoit rien: il est berné, il le veut bien, *Pais.*

Si la Reyne n'avoit des intelligences particulieres avec Mazarin, qui n'est qu'un coquin de naissance, & un vicieux, sans merite, & sans vertu, & s'il n'y avoit des mysteres cachez en ce rencontre de fortune, comment les Princes pourroient-ils supporter un infame Etranger, qui leur fait la loy, qui a les Finances, qu'ils devroient posseder, qui retient la personne du Roy, où il veut, pour la conservation de la sienne, qui manie les deniers, qui dispose des charges du Royaume; en un mot, qui fait tout, & qui gouverne tout? Ou ils sont laches, ou ils sont gagez: nous n'en sçavons rien, *Pais.*

Nous sçavons mieux que le Chancelier ne fut jamais qu'un méchant, qu'il ne valut jamais un bon carolus, que c'est luy qui donne ou qui reçoit tous les advis, pour la ruine des Peuples: que le Cardinal de Richelieu luy avoit fait faire mille faussetez pour un telton: qu'il est le pere de la fourbe & de la bigoterie: qu'il couvre sous le masque de l'intérêt du Roy toutes les malices imaginables: qu'il commet toutes les iniustices du monde: qu'il ne résiste à rien de tout ce qu'on luy commande: qu'il passe tout, qu'il fait tout, qu'il execute tout sans contredit. Que la Chanceliere sa femme n'a aucune devotion que dans les livres qui luy sont dediés: qu'elle a plus de galands que de chappe-



lets, bien qu'elle en ait vne infinité, & que tous les Religieux soient ses favoris. Mais soyons discrets à n'en point parler, *Pais.*

Le premier President a-t'il plus de sincerité, ou moins d'artifice? est-il moins fourbe, ou moins bigot? Non: mais il est plus traître, plus perfide, plus feint, plus dissimulé, & avec plus d'adresse, car il fait le saint avec tous les Religieux, le devot, le zélé, le charitable, & pour tout potage, ce n'est qu'un vendeur de Mithridat: on s'en est bien apperceu dans les Conferences qu'il a eu avec les Deputez de la part du Roy: car quelques uns qui estoient parens & amis intimes à ces Messieurs du Parlement, de ceux, qui affecti onnoient le repos du Peuple, leur mandèrent à l'instant mesme, que les affaires iroient mal, puisque ce diable s'en méloit, & estoit etably le Chef de la Deputation. Mais silence, *Pais.*

Sçavez-vous bien, que le Lieutenant Criminel n'a point de Dieu; que le Lieutenant Civil a la conscience plus large que la manche d'un Cordelier: que l'argent & les femmes les corrompent à toutes rencontres, *Pais.*

Mais revenons à la Cour, sçavez-vous que tout y est en desordre, que le grand Prevost del'Hostel a commission d'arreter quelques Seigneurs qui ont blasmé les deportemens de la Reyne avec Mazarin: qu'elle est resoluë de tout perdre pour le conserver: que Mademoiselle s'ennuye d'estre toujours fille: Que Monsieur de Beaufort se laissera enfin gagner comme les autres. N'en disons mot, pensons seulement à nos affaires, & sachons que le vray moyen d'avoir la Paix, & de la conserver, est de dire toujours, *Pais, Pais.*



SVITTE DV  
SILENCE  
AV BOUT  
DV DOIGT.



SAITTE DV

SILENCE

AVANT

DV DOIGT.





SVITTE DV

# SILENCE AV BOVT DV DOIGT.

**P**Aufanias assure que dans le mesme Temple ou Harpocrate Dieu du Silence estoit adoré, il y auoit vn Autel basti de Marbre, de Iaspe, de Porphyre, & autres pierres très riches, & très-rares dédié à vne fausse Diuinité laquelle disoit toutes les veritez secrettes. mais avec tant d'adresse, & de bonne grace que ceux mesmes qu'elles blasmoit, ou dont elle reprenoit les imperfections, n'osoient s'en offencer, de sorte qu'un grand Capitaine Grecq retournant glorieux d'une Bataille qu'il auoit rendu contre les Artabattes, & qu'il auoit gagné par la valeur & le courage de ses Soldats, bien qu'il eut desseing de les perdre avec toute l'armée, allant au Temple pour remercier les Dieux d'une Victoire si heureuse & si signalee, dans le temps mesme qu'il offroit des Sacrifices à cette Diuinité qui ne celoit rien, il entendit vne voix qui luy parlant à l'oreille luy dit, ô le plus lasche de tous les hommes tu as eu desseing de ruiner ton Pays, & le Ciel ne la pas voulu; retire toy? de mes Autels, ie ne puis souffrir, ny tes perfidies, ny tes blasphemes, tes Offrandes me font en abomination, & tes Victimes en horreur, neantmoins ie n'en parleray iamais & ne decouuriray point ton crime.



Cét Idole nous apprend nostre deuoir, & si nous nous eschappons à dire quelque chose des actions de nos Princes, ou d'autes personnes d'eminente condition, il faut que ce soit avec tant de retenüe, de discretion, de modestie quelles ne s'en puissent pas fascher. Mais le plus expedient en ce rencontre, est de dire tousiours, *pais.*

Il est constant que les premieres amours de la Reyne s'adresserent à feu Monsieu de Montmorency, qu'elle l'affectionnoit si fort, que les grandes familiaritez, qu'ils auoient ensemble, estoient mesmes suspectes à ses filles, & conuës de toute la Cour, puis qu'ils ne pouuoient s'empescher de se faire des caresses à la veüe de tout le monde, & qu'ils auoient bien de la peine d'être sages & amoureux tout ensemble. Mais ce qui gasta le mistere, c'est qu'une fois le Roy entrant doucement, & sans que personne le sceut dans sa Chambre, la trouua assise dans vn fautueil, & Monsieur de Montmorency à genoux deuant elle qui luy tenoit les mains & luy témoignoit sa passion extreme: ce qui le mit tellement encolere que dès lors il iura en luy mesme la perte de ce seigneur, & en effect, cette action qui auoit blessé l'esprit du Roy, fut cause particulièrement de la mort de Monsieur de Montmorency. Mais ne disons mot de tout cela, *pais.*

Peut estre ne scait on pas que le Cardinal de Richelieu n'aymoit pas moins Madame de Montbason, que Madame de Combalet: qu'elles estoient ialouses l'une de l'autre enragement, & que dans ce temps elles ioüioient à qui se debusqueroit de la pensée & des senti-  
mens



mens du Cardinal. La Combalet qui commençoit à prendre vn peu d'ascendant sur l'esprit de son oncle, rencontrant vn iour Madame de Montbason qui sortoit de son Cabinet, luy dit mille iniures, & la gourmanda fort de la liberté qu'elle prenoit de rendre au Cardinal des visites si frequētes & si particulieres. Mais lors quelle sceut qu'il auoit donné cent Louys d'or à Mademoiselle Nanon, confidente de Madame de Montbason & de ses amours, parce quelle estoit venue sçauoir de luy à quelle heure sa maistresse le pourroit voir, elle pensa desespérer. N'en parlons plus, *pais.*

C'est vne maxime de ceux qui gouuernent les Rois pendant leur minorité de les instruire dans l'ignorance des choses qu'ils deuroient parfaitement sçauoir pour se rendre grands Princes, afin d'estre tousiours maistre de leurs personnes, & de conduire vn Estat que le Monarque n'est pas capable de regir. Mais il est beaucoup plus dangereux de les esleuer dans la diuersion & l'animosité de leurs peuples, & dans des occupations indignes de la grandeur de leur Sceptre. C'est les moiens desquels se sert le perfide Mazarin pour regner, ne souffrant & ne trouuant aupres la personne du Roy que de ses confidens & de ses Creatures, qui ne l'entretiennent & ne luy parlent que de maiteries, de sottises, de bagatelles au lieu que les Roys ne deuroient entendre, ny voir que des belles maximes de Moralles & Politique. Philippe reprenoit autrefois Alexandre son fils de ce qu'il sçauoit trop bien la Musique, & desappresent l'ôt pouoir blasmer le Roy de ce qu'il ioue si parfaitement aux quille qu'il en abat tous les coups huiet: on ne scait



à qui il la laisse faire, si ce n'est à sa bonne maman, *pais.*

Tout le monde ne scait pas les mysteres de la guerre de Paris: qui en est la source & la cause, & d'où elle à pris son origine: la voicy. Le Prince de Condé qui ne cherche qu'à tout perdre, & à tout brouiller, auoit gagné la plus part du Parlement, afin d'oster la Regence de la Reine & la prendre pour luy: au preiudice du bon Duc d'Orleans qui souffre tout & n'en dit mot & après ce coup hardy, se deffait de Mazarin. Quelques vns du Parlement mesme de ceux qui au commencement furent de son party & receurent les propositions, en aduertirent la Reyne & le Cardinal: de sorte que le dessein estant descouvert, le Prince de Condé qui enrageoit de se voir trompé & ioué, resolut de perdre le Parlement & se venger de ces perfidies qui écoutent des aduis qu'ils n'exécutent pas, mais qu'en arriue il autre chose sinon que le peuple porte la folle enchere de la tyrannye des Princes, & des laschetes de personne qui sont assez insollens pour choquer vn Sceptre qu'il doit respecter & le pis de l'affaire c'est que personne n'en ose parler, *pais.*

Le Duc d'Orleans de Prince du sang est deuenu monopoleur, il n'a plus d'argent, ny pour iouer, ny pour faire l'amour, la petite de Guerchy qu'il affectionne passionnement & qui passe pour la plus jolie Damoiselle de la Cour ne desire aucunement luy donner rien que dans l'esperance d'en estre recompencée: & ne pas faire comme les autres que ce Prince à baïsee, & desquelles il s'est mocqué par apres, en effect elle à raison car comme elle se persuade n'en auoir iamais enfant,



elle iuge qu'estant riche, elle en sera bien mieux mariée, la Chasteté estant moins en estime que l'argent. Mais n'en dites mot, *pais.*

Madame la princesse Doüairierre se resouuient de ses vieilles habitudes, comme elle est plus que iamais maistresse d'elle mesme, & qu'elle n'apprehende plus les violence d'un mary, qui ne pouuoit souffrir que le Cardinal de Richelieu la caressa, elle s'estudie à se rendre agreable vefue. De Grammont luy fait les doux yeux, mais il ne gaignera de rien, elle desire vn ragoux mieux assaisonné, & vn morceau plus delicat. Nous ne sçauons si elle en trouuera, *pais.*

La Princesse de Condé met en deliberation & desire sçauoir ou elle trouuera les moyens de iouer des plaisirs de mariage: Monsieur le prince n'a plus ny force, ny volonté pour la baïser, d'estre sage cela ne se peut à la Cour, & quand bien cela seroit possible, elle est trop ieune pour le vouloir, elle à beau frequenter les Carmelittes, elle n'y trouue ny galands, ny remedes à sa passion d'amour. De Crequy le ieune qui est fort beau Seigneur, il luy donne beaucoup de visites quelle recoit avec grande satisfaction, il luy fait des complimens quelle agree fort. Soyons discrets à l'endroit de cette princesse, elle le merite bien, *pais.*

Le Grand Maistre commence à deuenir jaloux de sa femme: ses goutes continuelles, & son impuissance luy causent ces transports, & ces inquietudes: on dit qu'il edrage de peur d'estre Cocu apres en auoir fait tant d'autre; il se met bien en peine d'une chose qui est faite il y a long temps, & qui se fera encor sans qu'il le



ſçache, croit il donc qu'elle enfilloit des perles avec le Marq<sup>u</sup>il d'Yrphé, lors qu'un ſoir il les rencôtra tout deux qui ſe promenoient dans le Jardin del' Arſenal à heure induë. C'eſtoit dans le ſilence de la nuit, *pais.*

Pourquoy tant blaſme la Reyne de ce qu'elle ayme le Cardinal, n'y eſt elle pas obligée, s'il eſt vray qu'ils ſoient mariez, & que le Pere Vincent ay ratifié & approuvé leur mariage. Mais qu'ils le ſoient ou qu'ils ne le ſoient pas: vne Dame peut elle hayr un homme qui eſt infatigable au ieu d'amour, & qui la contente parfaitement. Dailleurs ce ne ſont point là nos affaires, l'aiſſons les faire l'amour, c'eſt l'unique plaifir de la vie le diuertiffement des Princes, l'occupation des honneſtes gens, ſans celà les Courronnes ſont d'eſpines, & les Sceptres inſupportables. Fermons la bouche, *pais.*

Entre ces Meſſieurs du parlement, il y en auoit pluſieurs qui faignoient eſtre du party du peuple, pour en ſçauoir le deſſeing & eſtoient gaignez par promeſſe ou biens-faits de la Reyne! Tous les iuges de Paris ſont corrompus ou le peuuent eſtre: leur Balance ſe remuë au mouuement du Cud d'une putain. ils ſont partifans de Mazarin; ils ne conſiderent les peuples que comme des Victimes deſtinées à la mort; de Juſtice, ou de ſoulagement d'eux, n'en eſperez point: neantmoins il ne le faut pas dire, *pais.*







